



Regis s.f.

Teol. 5190

Manicoki fram. s.f. Emeriti honores novo

Galliarum Apostolo B. Joan. fran. Regis —



E

N

21



EMERITI HONORE

NOVO GALLIARVM APOSTOLO

BEATO

IOANNI FRANCISCO

REGIS

SOCIETATIS IESV

IN BEATORVM ALBVM RELATO

Delati.

REVERENTISSIMO DIVI TUTELARIS ANIMO

âpostremo Cultorum

*Manicki.* Adorati

A N N O

Divini Verbi humanum genus honorantis

1720.

XX

Zamoscii Typis Universitatis!



EMERITUS HONORE

NOVO GALLIARVM ANOSTOR

B-E-A-T-O

IOANNES FERAN GISSCO

R-E-G-I-S

SOCIETATIS



IN BEATORVM ALBUM RELATO

45785 Delat.

REVERENTISSIMO DNI IVTLIARIS ANIMO

opostremo Cultorum

Adorati

A N N O

Divini Verbi humanum genus honorantis

1730.

Transcriptum Typis Universitatis



ILLVSTRISSIMO  
&

EXCELLENTISSIMO  
DOMINO

D. SEVERINO

In Rozdół & Reiowiec

RZEWUSKI

Palatinidæ Podlachiaæ

CAPITANEO CHELMENSI &c.

Polonæ Iuventutis

DU C I.

**D**Ebebatur hoc Cælestibus dotibus, Divi-  
næq; indoli tuæ ILLVSTRISSE &  
EXCELLENTISSE DOMINE, ut in-  
ter Divorum Encomia Famæ Tuæ sanctitas cē-  
sceretur, qvi in ætatem involans firmiorem, absq;  
novo



novi nec moves nec figis gradum miraculo.  
Hæc sunt Virtutis, hæc Avitæ Soleæ tuæ vesti-  
gia, quæ nostra adorant Secula, secutura facile  
consecrabit posteritas. Quid enim? teneram æ-  
tatem tuam maturi semper commendâvere mo-  
res, primam, postremæ senectutis occupavit  
gravitas, lubricam, fortior annis solidavit in-  
tegritas, & ut ille in rudem Gratiani conges-  
sit juventam: *nullum tu unquam diem ab adolescentia tua, nisi a-*  
*dorato Dei Numine & Voti reus & ilico absolutus, egisti, mente pu-*  
*râ, & quod in paucis est cogitatione sincerâ; cuius unquam egressus*  
*auspiciator fuit, aut incessus modestior &c.* Annis ætatem  
aliorum metimur, **IVVENIS EXCELLEN-**  
**TISSIME**, ut credantur viri, colantur probi,  
Tibi nulla non ætas, ut Virtutum ferax est, ita  
parit admirationem, quæ pene prius in studia  
Virtutum incumbebas, antequam nosset. Mul-  
tum commenta est antiquitas, ut Herculis pue-  
ritiæ Divinum quidpiam adstrueret, Achillis  
rude adhuc Ingenium à semideo excultum Chi-  
rone, interq; nemorum abdita instructum (qua  
si prius illi cum feris & rupibus certandum fo-  
ret quam cum hominibus) professa est, ut cre-  
scentem aliorum ætatem in spem futuræ ma-  
gnanimitatis erigeret; ætas Tua nec assurgit nec  
commendatur mendacio:

Affc.



Affectant alii quidquid, fingiꝑ; laborant;  
Hoc donat Natura tibi.

*Claudianus*

Si prolem Mars susciperet ex Minerva, eam spē  
de se faceret, quam Tu etiam prævenis, & ea  
præstas, propter quæ acclamatum alteri: *quidquid*

*Cassiodorus.*

*humani generis floris est, habes.* Multam vero partem eo-  
rum quæ agis gloriosè, **ILLVSTRISIME**  
**DOMINE**, Magnis debes Natalibus, Divorūꝑ;  
Progenitorum, in quæ successisti, exemplis. In  
**ILLVSTRISIMA RZEWVSCIORVM**

*Domo natus es ad omnia quæ recte facienda sunt.* **Coæva**  
**Poloniæ Domus Tua**, Visimirum Sarmatico de-  
dit Throno, ut easdem cunas Gentis magnitudo  
& **RZEWVSCIORVM** gloria fortiretur.

*Valerius Pa-  
terculus.*

Hic jam in Celsissimæ Domūs Tux encomia au-  
dax involaret calamus **ILLVSTRISIME**  
**DOMINE**, grandem texeret, & vix à tota po-  
steritate evolvendum, Majorum tuorum elen-  
chum, nisi id tam esset temerarium, quàm me-  
ridiani solis radios ad calculum velle revocare.  
Itaq; post Solii Majestatem, post tot Ducum glo-  
riam, grandiumꝑ; pace ac bello in eminentissi-  
ma fortuna Virorum magnitudinem, quæ ònia  
**Domus RZEWVSCIORVM** complexa est,

*Valerius  
Maximus.*

*(inde enim oriebantur Camilli, Scipiones, Marcelli, Fabii,)*  
quæ tenuitas Oratoris deterere veretur, **Avum**

(1)

**Tuū**



Tuum **ILLVSTRISIME IVVENIS**, in quo  
uno omnium adeò Maximorum Ducum Regūq;  
cumulata virtus refulget, cuius Tu immortalium  
virtutum recordatione frueris, velut Ideā pro-  
feram, ad quam se non tantum Alexandri, Iulii,  
Pompeii, Catones, si in ætatem nostram redirēt,  
verum Orbis componat universus. Quā parte  
Austriæ, Pannoniæ, Livoniæ, Podoliæ, Vkra-  
inæq; Cælum imminet, gloriosis victoriis univer-  
sas peragravit; *cum nullo unquam hostium congressus est, quē*  
*Iustinus. non vicerit, nullam gentem adiit, quam non calcavit.* Libeat  
crudam licet bellorum imaginem intueri, & nu-  
tantia Europæ pene totius redordiri fata. Infu-  
derat non minores vires quam numerosas copi-  
as, ebrius ille tot terrarum cladibus, Turcarum  
Tyrannus, quā latè Viennam circumfundunt,  
Regionibus, adfuit Orthodoxi Belli Impera-  
tor, planè homo missus à Deo, **IOANNES, PO-**  
**LONIARVM REX**, Orientis Fulmen & in  
una Vienna universæ Europæ defensor glorio-  
sissimus. Adfuit quoq; ut sanguine ita armis  
Marti Sarmatico iunctus **ILLVSTRISIMVS**  
**RZEWVSKI**, Thesaurarius Curiae Regni, A-  
vus Tuus **IVVENIS EXCELLENTISSI-**  
**ME**, ibiq; Regio consilio, manu **RZEWV-**  
**SCIANA**, ille tot Regnorū prædo, qui in Au-  
striaca



striaca Vienna oppugnatam, & iam prope expugnatam credebat Europam, iis cladibus paucas intra horas, affectu gest, quas aliis integræ vix ætates intulissent. Iam ultorē Svecia, jam vindicē Tartaria, & non uno conflictu domitorem sensit Turcia, ac dejectis animis, prostratis viribus Poloniae defensores adoravit. Sed æquè illi promptum erat arma sumere pro Patria, ac ponere gloriolè, sagumq; Togâ permutare. Ivit in Orientem grandis Lechici Solii Cæneas, seculis daturus documentum, non armis tantum se potuisse hostiles exercitus, verum animos quoq; inermi licet faciundia, expugnare; suspexere barbari, suadâ pro Patria decertantem, quæq; horruere victorem, Legatum & pacis sequestrum amavere. Quæ verò audebit eloquentia gloriosissimi æquè ac fortunatissimi Parentis Tui proferre dotes, recensere virtutes, cumulare laudes **ILLVSTRISSIMI ac EXCELLENTISSIMI STANISLAI MATTHÆI RZEWUSKI PALATINI PODLACHIAE EXERCITVVM POLONIAE CAMPIDVCIS INVICTISSIMI**. Si fortitudinē eius, qui

Cunctas bellorum possidet artes  
aggrediar, jam se ingentes oculis ingerunt exercitus, quos ita Patriæ hostibus opponebat se per-

Flos



Flos veterum virtutūq; Ducum  
ILLVSTRISSIMVS PROGENITOR Tu-  
us, ut nulli forsitan sit imitabilis, propter illam  
& bellorum quæ sustinuit, & virtutum quas ex-  
hibuit, & facinorum quæ gessit, magnitudinē.  
Felix Polonia quod illum Ducem habeat, cu-  
jus virtute defenditur, fortitudine stabilitur, &  
gestis gloriose supra maximorum Regum assur-  
git gloriam. Sed quantis, post Regni Exerci-  
tus, ad bellum sepe comitatus virtutibus pro-  
cedit, DVX, post actos retro Gloriosissimus;  
præit fortitudo animi, quæ nihil non audet, se-  
quitur providentia, quæ nihil non cavet, saga-  
citas quæ aliena consilia exploret, prudentia,  
quæ sua tegat, celeritas, quæ hostium festinati-  
onē antevertat, constantia, quæ ipsorum pertina-  
ciam expugnet, clementia, quæ victoriā ipsam  
vincat. Hæ Magni DVCIS lateri hærent sem-  
per virtutes, quibus ille cinctus, ea renovat faci-  
nora, quæ admirata est antiquitas, ea patrat, quæ o-  
mnis admirabitur posteritas, vix ulla imitatio  
consequetur. Et inde est quod universæ planè ar-  
tes ut de Victoriosissimo DVCE contendunt,  
ita conqveruntur; grandis, artis pictoriæ, suo  
cum Apelle Zeuxe, Parrhasioq; querela est, quod  
nullis coloribus, oris Majestatem, & non unius

tan-



tantum Exercitûs, verum orbis totius imperia  
merentis, intabulas transferre queat. Iam Pra-  
xitelem, Lisippum, Myronem, & sexcentos ar-  
tis statuariæ principes, curit ambitus, ut illa to-  
tius corporis dignitas marmore recipiatur, &  
hic nobiles illorum curæ, felices alibi, vim a-  
mittunt, & propè intereunt. In aliorum laudi-  
bus, Pœsis, fingendiq; ars, suas, prope divinè  
partes obit, hic, veræ laudis magnitudine ob-  
ruta succumbit. Veremur adhuc, ne Historia  
quoq; in partem querelarum veniat, sibiq; fi-  
dem abrogari metuat, incredibilibus planè ge-  
stis DVCI Maximi. Sed parum est DVCIMa-  
gnanimo, manu res augere Patriæ, quin eam con-  
filio quoq; juvet. Pleriq; ita fulgent in castrèsi  
pulvere, ut in aulico splendore obsolescant, he-  
roes foris, domi vix homines. Magnum jura  
hostibus imponere, sed majus populos emenda-  
re legibus. Præstat hoc copiosè Patriæ, pacis  
artibus pariter, ac bellorum gloriâ insignis,  
Grandis Parens Tuus, ILLVSTRIS-  
SIME DOMINE, adeo ut in illius unius mente, tota  
Patria innitatur ac conquiescat, cui ille pluri-  
mum tribuit ut Parenti optimæ, verus Pater  
Patriæ. Quidquid magnum & memorabile æ-  
tate nostrâ vidit Polonia, totum id ex fonte  
consiliorum Magni Senatoris fluxisse scimus,



*Seneca:* qui ideo arma habet, ut iis in munimentum pacis utatur. Ita ille pro libertate & salute universorum, prodigiis semper similia gerit, ut jurè illi grata subscribat posteritas:

*Davus:* Ducum virtus coit omnis in unum.

Quæcunq; licentia bellorum civilium dilapsa fluxêre, ea legum severitate vincire, Magnus Consiliorum Arbiter, ubi in civilibus Comitibus, de belli & pacis jure, de revocanda majorum disciplina certatur, nititur. Sed ut nunquam magnæ virtuti non comes est invidia, fortunaq; iniquior, cum hac periculū fecit virium DVX fortissimus, illam, quia extingui non potest, exarmavit. Grandes hi magnarum mentium scopuli, virtutis impetum Magni Imperatoris retardare potuerunt, virtutem verò, nec frangere, nec debilitare, quotiesq; magno velut Herculi hæc monstra sese opposuêre, toties recessêre, illibatâ & inviolatâ Ductoris Exercituū Gloriosissimi dignitate. Iam qualem se in magna potestate commodat universis? *sermone affabilis, access-*

*Seneca:* *suq; facilis, vultu qui maximè populos demeretur, amabilis, æquis desiderijs propensus.* Vereantur necesse est modestiæ il-

lius censuram, qui parvis initiis, ad culmen aliquod, fortunæ ludo emerſêre, rari in publico, adiri difficiles, tãquã homines videri indignè-

tur, &



tur, & jã divina præsument. DVX noster, digni-  
tatum fastigia Natalibus meritis, privatae for-  
tunæ, nominis permiscet eminentiam; & vota  
mortalium è proximo aspicit, *poteſtate DVX, benefi-*  
*cio popularis.* Sic Tibi ILLVSTRISſIME CA- *ſocratus*  
PITANEE tot Atavi Heròes, grandis Avus, & *de Theſeo.*  
utriſq; major Parens Tuus

par Gradivo, per ſecula tellus,

Cui ſimilem nũqvã Ductorẽ in bella creavit  
ad immortalis famæ adita prævivere. Sed ne om-  
nia Divis Progenitoribus Tuis deberes, etſi  
*per omnes Paternarum laudum vias incedis,* fecit virtus Tua, *Nazarius.*  
qvã tantum ætatem Tuam ſuperãſti, quantum  
Te Majores Tui. Muſas inter, quibus primum  
ætatis florem conſecrãſti, eam, cæleſte ingenium  
Tuum imbibit ſcientiarum facultatem, ac fa-  
cilitatem, ut ipſemet Apollo à Tuo penderet o-  
re, Mercurius ſe, in Te miraretur

Inq; uno Latium *Clandianus*  
adoraret. Inſtituitur hactenus doctrinæ Tuæ  
præceptis Athenei noſtri Leopolicenſis arena li-  
teraria, cui non levia eruditionis magnæ veſti-  
gia impreſſiſti, adeò, ut multis admirationem,  
plurimis ſtuporem, reliquis extorqveas deſpera-  
tionem, quod hucusq; ingenii Tui felicitatem  
conſeqvi non potuerint. Sed parum erat ut ſci-



entius eminceret excelsus animus Tuus **ILLV-  
STRISIME DOMINE**, nisi eum sustentāda  
Patriæ, utpote tātæ molis jam capacē, cōmoda-  
res. Ivisti nuper ad Regni Comitia, verius  
Numinum confessū, lectissimus Palatinatūs Tui  
Nuntius, quo Tecum salus publica, spes uni-  
versorum, cunctorum vota perrexêre. Ea Ma-  
jestas in vultu tuo, ea gravitas in moribus, ea  
moderationis modestiæq; in sensu, consensio ef-  
fulsit, ut plane e fronte Tua legeretur, nihil ali-  
ud Te velle, nisi Sacrorum inviolabilem conser-  
vationem, convulsarum legum integritatem, ac  
Polonæ, ad invidiam totius Europæ, libertatis  
assertionem. Quæ verò in illo, omnium Ordi-  
nū Lechiæ, non semel coactō, egisti Cōcilio,  
recēsendū, ac invidiæ seculorum porrigendum,  
gratæ posteritati relinquo. Ita maximæ olim  
famæ Tuæ prælusisti **EXCELLENTISIME  
DOMINE**, agendo tam magna, *ut in omnium vir-*  
*tutum exempla genitus videaris.* Tantumne hæc egisti?  
nunquam gradum profers, quin ubiq; Te glo-  
ria, velut umbra comitetur. *Iam à te exigis, quid*  
*quid Majores fuerunt, & licet non ferro adhuc per*  
*ætatem, famæ tamen viribus, Magni DVCIS*  
*Filius, vincis reliquos. Qvis quis æquitate, quis*  
*quis fortitudine, quis quis boni publici studio*  
*præ-*

*Velleio Pa-  
terculus,*

*Putianus,*



præstat aliis, hunc Tibi conjungis; pro! quanta  
& quam multiplex in ætate Tua virtus efflore-  
scit, Religioni ad præsidium, Poloniæ ad splen-  
dorem, Principibus viris ad exemplum, Euro-  
pæ ad spectaculum, ac orbi pene universo ad mi-  
raculum. Hæc nec Magnus Macedo, jam factus  
famæ suæ auctor, præstitit, quæ Tu, spe citius æ-  
tatem antevertendo, perficis. Donâssent uti-  
nam Superi eam felicitatem artibus, ut virtutes  
effingerent, quod non cælum? qui non penicil-  
lus? Tuis dotibus animaret tabulas, erudiret  
marmora. Interim verò cum Te **ILLVSTRIS-  
SIME DOMINE** ars consequi, ingeniiq; vis  
nulla assequi possit, patieris rudem hunc planè,  
si Tuo cum Genio conferatur, laborem, oculis  
Tuis obtrudi, & ut olim Scipioni

Semper erat Vatum maxima cura Duci  
ita **EXCELLENTISSIMI** Exercituum Po-  
loniæ **DVCIS, FILIO**, in Divi **FRANCISCI**  
**REGIS** enarrandis virtutibus exercita Pòësis,  
sit cordi. Sic obtreçantium livori non pote-  
rit displicere, quod Autoris votum est, si Tibi  
**ILLVSTRIS-  
SIME DOMINE** arrisserit, si  
Tuis teretur manibus, feretur per ora cuncto-  
rum, si à Tuo Nomine Præsidium mutuaverit,  
eveniet, quòd Theatro Pompeii contigit, quod  
(1) magis

Claudian9.



magis commendabat Magni Nomen, quàm marmormor vel aurum quo nitebat. Id mihi amor Tuus in Divos ILLVSTRISIME DOMINE, id pronus semper in Societatem IESV animus, id deniq; profusa Tua in Authorem pollicetur benevolentia, qui procumbit.

ILLVSTRISIMO  
ac  
EXCELLENTISSIMO  
NOMINI TVO  
obligatus

FRANCISCVS MANIECKI  
Societatis IESV



# CARMEN

**U**nde novis Superûm micuerunt atria flâmis?  
Vnde faces fulsere polo? Sol purior axe  
Intendit crinale jubar, stimulatque jugales,  
Insolitum temone diem sparsurus in Orbe.  
Ipse suis quantum formosior ignibus ardet!  
Et servituros radios dispensat habenis.  
Quin Capitolinis, habitus succincta verendos  
Præforibus cui pōpa strepit? cui destinat Aras?

A

RO-



Romuleus, quo non Caput est sublimius ullum,  
Arbiter, & sacris adolens Altaria fumis,  
Acclinat septem submisso vertice colles.  
Gallica Festivo sonuerunt carmine rura,  
Laurigero serpunt argentea lilia poste;  
Enneas populata rosas Hyblæaque prata,  
Qualibus ornantur Cælestia Numina fertis,  
Talibus exultat faustum redimita coronis  
Francia: cum tenera miscentur prole parentes  
Virginibus certant matres, sociata Quiritum  
Vota favent lætis populorum vocibus, omnis  
Thure Domus Superum caluit, delubra piorum  
Dona ferunt sacrata, novo cumulantur honore.

Pandite Pierides, cui Sidera, Gallia, & ipsa  
Roma vacat, cuius Numen virtutis adorat?  
Nobile liligeri decus emicat æthere Sceptri <sup>fronte</sup>  
FRANCISCVS, triplici cinctus Thaumātide  
Cui meritam donant Romana oracula laurum.  
Grādior & Titulis, & honoribus auctior, Astris  
Permiscet sublime caput; quæ gloria maior?  
Fama datur meritis totum fluxura per Orbem,  
Hanc canimus. Modò Dive lyrā per mitte recli.  
Auspiciis animare tuis, Geniumque Beatæ (nem  
Da Mentis libare fides, Helicone remoto.  
Annuis? o quantum crescit fiducia Vati!  
Totaque Divinus iam versat pectora fervor

For-



Fortè alijs majore tubâ cantabitur alter  
Supra alios nostrum Te surget Apolline carmē  
Desplaciam fortes stirpem coluere Rutheni,  
Francigenas inter non ultima portio terras,  
Altrix virtutum bellatorumque virorum.  
Fontibus his fluxit, non nuper cognita Gallis,  
Illustri semper ducens ab origine nomen,  
REGIA progenies, priscis quæ moribus aucta  
Ac opibus Proavum quæ bonis suffulta per ævum  
Educat ingentes animas castrisque Togæque;  
Pignoraque immenso non averſata Tonanti.

*Gen<sup>us</sup>  
Beati  
Regis.*

Solverat Astrorum monitu Lucina verendū  
Fæcundi jam ventris onus, puerumque Parenti,  
Ambrosio complexa sinu commisit alendum.  
Addidit & fati prænuntia verba futuri:  
Iam tibi parve puer cladem molitur avernus,  
Et tempestivo tua carpere stamina morſu  
Fæx erebi tentat, formidatumque barathro  
Perdere si nequeat magnis tamen æstuat ausis:  
Sed Superis est cura tui, vindexque salutis  
Est DEVS ipse tuæ, nocituraque monstra potenter  
Reprimet, inque suas coget remeare cavernas.

Interea stygias contra munimina pestes  
Lustrali de fonte petit, sincera Parentum  
Nec dubitanda fides. Cælesti tingitur ex quo  
Rorc infans, candore nives, Riphæaque vincit



Durati cristalla gelu, cœu gemma nitorem  
Combibit æthereū, vitreis vel merfus in undis  
Purior è puris Narcissus fluctibus exit,  
Sic puer elutus Divino nectare, candet.  
Tunc Phlegetonteis ulularunt agmina ripis  
Pestifero protrusa sinu, mugitibus omnem  
Aëra terrificis complent, horrore moventur  
Tartara, pallescit gemini fax publica mundi,  
Incertum quid Fata ferant, quid parturit orcus,  
Vna per infernos vox tantum missa recessus,  
Tisiphonen gemitus lamentaq; tristia produnt:  
Omiseræ ploranda stygis fortuna! furores,  
Arma, venena, faces, non profectura tenemus;  
Iam pueri vincunt pigmæaq; Castra triumphāt  
Tænarias Acies, invictaq; pectora terrent,  
Inque fugam vertunt, quin ecce didicere ferire.  
Liligeri nuper protrusus Stemmatidis infans,  
REGIA stirps, crebo puerili mente pudendū  
Arcanumque nefas jam nunc portēdit, & ausu,  
Cum puero crescente pari, certamina crescent.  
Quid segnes cunctamur adhuc? quin perdimus  
Invisam Sobolem? cunas Iunonis iniquæ (orco  
Artibus aggrediar, sed plus Serpente nocebo.  
In partem sceleris veniet, partemq; furoris,  
Conscia Thessalicos miscere venefica succos  
Et nondum rabidis tentata aconita novercis.

Cin.]

Erebo in-  
visus



Cynthia noctis iter mediū iā fortè premebat:  
 Cum tenero nutrix mammæ lactentis edule,  
 His dapibus pulsura famem, properabat alūno  
 Promere, sed vacuum nutrix infante cubile  
 Palpat, & extincto fumantem lumine lychnum  
 Repperit, ergo implet magnis ululatibus ædes,  
 Tota domus subitis pavet experrecta querelis.  
 Percussa insolito genitrix clamore Paterque,  
 Ad cunas gressum præsaga mente ferebant,  
 Cum gerulam cernunt ita flebile lamentantem:  
 O amor! o nostræ concredite parvule curæ!  
 Nūc dolor & plāctū! quis te mihi casus ademit?  
 Excipit attonitus lachrymosæ verba furentis  
 Et Pater & genitrix, natum periisse cubili  
 Ingemuit pariter, gemitumq; in dicta resolvit:  
 Spes optata Domūs, solamen, imago Parentis  
 Vivida, flos Thalami, columnen sperabile gentis,  
 Omnia rapta simul tecum, omnia perdita nate!  
 Si placuit Superis, felix eat hostia Cælo  
 Orcus in innocuum nam nil puto juris habebat.  
 Interea totis discurriturædibus, omnes  
 Angulus ōnis habet, penetrāt & in abdita fesc;  
 Lassanturq; greges famulorum; deside curâ (rac.  
 Nusqvā marcet amor, nec segnis cūcta perer.  
 Ecce sub excusso, proles prope perdita, lecto  
 Nutricis plorantis, humū prostrata terebat,

Canis  
 demo-  
 num vi  
 excus-  
 sus.

Ope di-  
 vinā ih-  
 lāq ser-  
 vatur.

B

Invi-



Inviolata tamen quamvis projecta jaceret.  
Vix compos mentis, puerum Pater ipse repertū  
Corripit intrepidum pavidus, patrioq; timore  
Se probat esse Patrem, pallentia sustulit altum  
Ora, nec invito maduerunt lumina fletu.  
Tunc menti sensus rediit, tunc pectora vires  
Voxq; subit fauces, & festinata cucurrit:  
Ovigiles Superūm curas! intentaq; nostris  
Agmina subsidiis, & amica potentia terris  
Aligerūm Suprema Cohors, custodia mundum  
Vestra regit, Clypeoq; tegit; tutoribus Astris  
Nil erebo licuit, nihil indignantibus antris  
Stridentiꝫ cani. Semper tibi nostra litabit  
Vota Domus grateꝫ; Deus; servetur in usus  
Sic servata tuos proles, hoc fædere vitam  
Acceptam referet, tibi quam debere fatemur,  
Et dum fata sinunt meritos referemus honores.  
Dixerat, & fausto puer edidit omina risu  
Totaq; gratanti plaussit simul Aula tumultu.

*Pri-  
mam  
aetatem  
lauda-  
biliter  
agit.*

Mox infantili succedens firmior ætas  
Cum segetes iā quinta novas absconderet æstas  
Nil spirat mortale, nihil iuvenile, modestam  
Cæstus habet faciem candor, maturior annis  
Promicat è vultu pietas, seniumq; verendæ  
Virtutis non frontis erat: superare Catonem  
Provectæ species poterat probitatis, & ipsos

Syl.



Sylvarum longo celebres æquare recessu  
Arsenios, Paulos, Sexcentaq; Nomina Divûm;  
Qualis ubi æqvoreo Titan cum fortè cubili  
Nascitur, assurgens primo se vincit in ortu  
Nil parvum præstans mundo, licet axe remotus  
Distet ab excelso radiis tamen omnia complet  
Cœu solet immenso splendere altissimus Orbi.

Iam Iuvenis Patrias animo cōplexus Athenas  
Incumbit studiis, desudatamq; labore  
Ingenii, Laurum recipit donante Minervâ.

Iam comes Astrorū graditur, præcepta Platonis  
Combibit & Vatum mendacia grata pererrat  
Cunctaq; facundæ versat monumenta Palæstræ;  
Cum subito per prata vagus, per & arva, sopore  
Corripitur, geminas distendens Morpheus alas  
Vitrea somniferis adspersit lumina succis;  
Pergit mentis inops & cassus luminis errat,  
Nec videt errorem, nec & ipsa pericula cernit.

Somno  
inter  
deam  
bulan-  
dum  
oppre-  
mitur.

Sic Somno oppressus spatium cōfecerat ingēs  
Tum super infidæ consistit margine ripæ,  
Et bene consistit; tantum distabat ab undis  
Vno nempe gradu, quem si movisset, aquarum  
Præda foret, fluvio nunquam emersura profūdo.  
Sed Superi vetuêre nefas, discrimine in ipso  
Evigilat, subitumq; videns instare periclûm  
Qualis amat cerni pluvialis Cynthia, nimbis

Supra  
margi-  
nem Oa-  
pe divi-  
na so-  
mni exi-  
cutis.



Circumfusa, puer toto sic palluit ore  
Præcipitiq; rapit festinus ab aggere gressum.  
Qvis tibi tunc animo? quæ mēs FRANCISCE  
Onunquā Superos (ait) intermissa clientū <sup>(paventis)</sup>  
Cura tenet properate metus subitiq; furores  
Si polus excubias peragit, si munit & ipso  
Custodes tutore ruunt ex æthere missi.

Bis prope jã denos numerabat Tyrò Decēbres  
Cum pia quæ tacitis hærebat flamma medullis  
Dat matura faces, & apertis ignibus exit.  
Signa sequi certus Cælestia, castra petebat  
Quæ Ductor Lojola regit bellator ubiq;  
Strenuus, intrepidas ducens in prælia turmas  
Atq; animæ largas, quo spes vocat una salutis  
Romuleaq; jubet Pater urbis & Arbiter orbis.  
Sicq; animo tacitus votum prius omne peregit:  
Qvid mihi cum titulis & iniquæ munere fortis?  
Qvid quod opes, quod rura mihi, quod Maxima  
Gallia donet Avos? speciosa pericula quātū <sup>(claros)</sup>  
Imponunt oculis! animisq; furentibus hausta  
Exitium celerant inopinaq; fata propinant;  
Arrisit fortuna licet, ridebimus amplæ  
Blandimenta Domûs & inanis pabula famæ;  
Insultare placet Trabeis & sanguinis alti  
Exuviis, quas lingvo libens spectantibus astris,  
Et Domini tantum metuenda vocabula vulgo.  
Nobili.

*Societa-  
tem lesu  
ingredi  
statuit*



Nobilius nomen contempto nomine surget.

Audiit hæc, teneri qvi corda coqvebat alūni,  
Inq; parem Cælestis amor mutatus ephebum,  
Adstitit, et propior Deus interpellat amantem:  
Perge celer Iuvenis Patrias extingvere ceras  
I, Proavū fuscotumidā fuligine vultus  
Irradiet probitatis honor, de strage cadentis  
Fortunæ sublime caput super Astra leuabis,  
Noctem post soles adama, felicior umbris  
Quām facibꝫ multoq; die radiisq; futurus.  
Est mihi belligeræ locus inter vasta Tolossæ  
Mænia, fidereis vernans cœu floribus hortus  
Ingeniis, hæc magna finu complexa verendo  
Gallia, finitimis ingens decus educat Astris,  
Casta Parens florum quæ nil nisi lilia gignit;  
Illic sublimis pietas post Astra secundam  
Nacta Domum, sedem posuit, Numenq; locavit.  
Hic teneræ mentes magnos formantur in usus,  
Imbellisq; ætas provectam combibit altè  
Virtutem, studium probitatis in ædibus istis  
Non marcet, Lojola Pater præit, utile mundo  
Editus exemplar, Divūm Dux, Divus & ipse.  
Non plus Palladios inter Vestæq; recessus  
Discere mentitis potuit Sacra turba Deabus,  
Qvin nec in arcanis habitator plurimus antris  
Sideribus Cæloq; vacans, sectator eremi

C

Et



Et rigidæ virtutis amans, horrore magistro  
Plus unquam profecit inops. Concede Tolossâ,  
Et novus antiquis nec iners Heroibus Heros  
Immistus, parili juvenis sociare juventæ  
Concordes quos arcta facit reverentia legum,  
Curaq; communis, lucri cælestis, adunat.  
Exprime festinis veterani, moribus ævi,  
Virtutes, mentis vehemens Ignatius olim  
Qualis erat, sacro postquam populâte medullas  
Igne, citus mundiq; plagas pelagiq; remotas  
Ambages transmisit ovans bene credulus astris,  
Fulmineis rabidum concussit viribus orcum,  
Ac crebi male fusa vadis nova monstra, rebelli  
Mente giganteos ausus imitata, cogit  
Vt domitâ cervice cadant, mundoq; relicto,  
Nativo stygiæ mergantur in amne paludis,  
Ni flecti faciles unum caput orbis adorent.  
Præluxêre tuis tam grandia Sidera votis,  
Exemplisq; vocant, velis remisq; carinæ  
Incumbas, Patriæq; legas vestigia plantæ,  
Donec meta tui fiat Deus ultima cursus.

Hæc monuit Divinus amor; cū Numine plenū  
Incaluit pectus geminatis ignibus, ~~Æt-næ~~  
Concepisse putes luvenis præcordia flammæ,  
Aut prope flâmivomum migrâsse in castra Vesc-  
Vilcera, ceu Liparæ violētior æstus adurat,  
Tan-



Tanta flagrant totis diffusa incendia fibris,  
 Iam præpes molitur iter, Cælumq; secutus  
 Quâluvenes abiêre pii lectissima pubes,  
 Nobile par Divûm, duo lucida Sidera, Kostka  
 Et Gonzaga, volat, mundû post terga relinqvês,  
 Et Patriam Patriæq; focos carosq; penates,  
 Et quod magnificû spirabant nomina REGIS,  
 Cêu scelus & superis invisa piacula damnat,  
 Ac Ignatiadum nomen dedit impiger albo.  
 Hic præconceptos animo cêu fluminis alvêo  
 Temperat ardores, voti jam compos & undæ;  
 Haûd aliter, Lybicus cervus quã pulsus ab âtris  
 Vrget iter, Zephiros cursu prævertit & Euros,  
 Vt sedare sitim possit fugitivus in amne,  
 Vel morsus vitare canum latratibus actus,  
 Saucia letali cum sensit arundine terga,  
 In notos procurrit agros, teliq; venenis  
 Quærit opem, medicis vitâ restauret ut herbis.  
 Non ignavus obit custos edicta Parentis,  
 Sedulus inculcat menti quæcunq; magister,  
 Numinis & digito firmata volumina mōstrāt.  
 Spem superat gestis adolescens, vota regentûm  
 Præcurrit virtute puer, similisq; columnis  
 Quas Mēphim populata tulit Romana vetustas,  
 Fundamenta jacet celsæ probitatis ab imo.  
 Iam vacuum mundo, plenam sed Numine mētem

*In Tyr-  
 ciniopra  
 it alijs  
 exem-  
 plo.*



Borgia, FRANCISCI cognominis occupat ònē  
Borgia, magnorum titulis excelsus Avorum,  
Gemma Ducum, nuper vicina potentia sceptris,  
Strage coronarum jam nunc quoq; grādiōr ipsis  
Principibus, vulgare genus pietatis honorans  
Contemptu fortuna tuo; mundoq; sibiq;  
Imposuit virtute modum, Dux absq; Tyaris.  
Totus in innocuis formatur moribus alter  
Xavier, arcta sui retinens moderamina victor  
Orbis amore calēs gemini, quē subdere vellet  
Numinis imperio, voto se major & orbe.  
Post Navarrei, quo fluxit sanguinis altum,  
Oceanī dubiis hic Nomen miscuit undis,  
Illius edomitus postquam miracula sensit  
Nereus, amisit jus & moderamen aquarum.  
Sistere quin jussus radiorum Phæbus habenas  
Prodigio superante fidem, lucisq; diurnum  
Imperium celsit, terras stupefecit & ignem  
Et servire sibi virtus elementa cōēgit.  
His Ducibus grandes probitas surgebat in ausu  
Æmula, solus erat labor exæquare priorum  
Sublimes animos & non fugientia dura  
Pectora; cœu crescens reparatur lumine phæbi  
Cynthia, dum pleno par fratri splendeat orbe:  
Utq; leo Patriis qui dudum inglorius antris  
Delituit, nondumq; suæ bene conscius iræ  
Cum



Cum videt altorem tabo rubu isse juvenci,  
Tentat inexpertas vires, & verbera caudæ  
Consult, intrepidus fulvo comes inde Parenti  
Profilit è latebris, indignatusq; cubile,  
Quod tacitâ ingenitâ virtutem rupe premebat,  
Utitur ipse suis jam libertate potitus  
Vngvibus, & torvo præreptam dente magistro  
Prædâ agit exultâs, & vim prope Patris adæquat  
Si non & vincit, pulchro conamine natus.

Maxima FRANCISCO integrum stat cura  
Et mētis servare nives, quæis lactea cedūt <sup>(pudorem</sup>  
Lilia quæ glaciem superent Floræq; ligustra : <sup>animi</sup>  
Excubat ergo vigil teneri quæ temperat ævi <sup>illibatâ</sup>  
Ardores Metanæa, truces armata castas; <sup>servas</sup>  
Sidereo quæin casta fides armatur amore;  
Hâc face perpetuas aluit velut Æt-na pruinas.  
Et gēmis certare potēs & olorib9, ipso  
Candidior cādore, dec9 violabile nūqvā  
Læve velut speculū næviq; & vulneris expers.  
Pertulit innocuos suprema ad fata nitores.

Fluxit in offensæ dum pars ita magna juvētæ,  
Sacratæ pietas admota est dignior Aris:  
Iâ nov9 Herculeos superabat Mystra labores,  
Cum De9 ipse suis niveâ sub nube levandus  
Incubuit manib9; quem nō Atlâta fatiget  
Tātū onus! attonitas tenuit sacra pōpa cohortes

D

Side-

Puri-  
tatem  
animi  
illibatâ  
servas

Cum pri-  
mam ho-  
stiam  
Deo lita-  
ret, &  
aliâs, ad  
stantiâ  
accen-  
debat  
animos.



Sidereas, propè cuncta ruunt ex æthere Divûm  
Agmina, ad adventum submissâ voce vocati  
Numinis; hic totâ lacris ubi mente vacabat  
FRANCISCVS, vulgi penitis incendia fibris  
Serpebant, tacitis populantia corda favillis.  
Insolitas caluisse faces sub pectore cuncti  
Mirâtur, Phæétonta novû rursusne Tonâtis  
Fulmen ab excelsa cû flâmis arce rotavit? (qvebat,  
Ignea FRANCISCVM quæ vis per mēbra co-  
Per gelidos populorum animos infuderat æstus.  
Sicq; salutiferas rem confecturus ad Aras  
Cû stetit, & quoties Cereris sub imagine Numē  
Libabat, toties sacer impetus intima plebis,  
Divinū magnumq; aliquid svasurus, habebat.

Hic mihi jã pelagus Parnassia pãditur ingēs  
Numina, fatidico mortalem excludite mētem  
Pectore, nūc totus ruat in præcordia Phæbo,  
Divinumq; melos. Patuit tam grãde laborum,  
Sudatūq; diu, stat Francia qvãta, theatrum.  
Iam videor pullæ squalentē in funere pallæ  
Magnanimū spectare Ducem, cui sole sub omni  
Est amor effuso palmas sudore mereri;  
Ut volat in campos! ut mille pericula solus  
Provocat! ut scopulis certat! Cæloq; minantes  
Proterit, ipse licet generosis Pelion obstat  
Ausibus, intrepido pede proculcatur, & alto

Alti-

*Zelus di-  
vs Apo-  
holicus  
coria  
Francia  
notissi-  
mus.*



Altior insultat mōti FRANCISCVS, & unq  
Omnibus occurrit fatis, metuēda vel ipsi {gens.  
Encelado aggreditur, spe plus quàm sidera tã.  
Pro! quoties fratrum, desertorumq; rebelles,  
Injugulum intentos Matris, fatiare furores  
Sangvine poscebat fuso, vigil ista revolvens:  
Ergo mori nunquam, ignavā nisi morte licebit?  
Et vacuum laudis trāsmittere nomen in ævum?  
Hactenus invito mihi servant Astra salutem,  
Me puto me dignum fatis crudelibus, audax  
Pectore flamma suas vires exploret in isto,  
Nec cūctātē animā ferrum scrutetur, ovanem  
Me tegerent scopuli, me optabilis unda feriret.  
Aūt si neglectæ dedit unquam membra quieti,  
Tristia nocturno lustrans ergastula visu  
Ingemit, & strictos velut obviū iret in enses  
Profilit, ac mortem confusā voce salutāt,  
Perq; genas largo sparsus sudore, futuras  
Expectat cædes, & inania fata requirit.  
Hæc animi tormēta sui FRANCISCVS alebat,  
Nec satiatus erat, geminæq; cupidine palmæ,  
Omnis in expleto, leti fervebat amore.

Tales dum nutrit curas, Mars audit, & ultrò  
Fata lacessentē, Scythico speculatus ab Hæmo,  
Dij similes {inquit} bellis concedite mentes,  
Fæta pares matrum protrudant viscera partus,



Odrysiā nunquā repetam post arma quietem,  
Hauſtus sub galeā pulvis durabit, & altā  
Perpetuus sudor ſtagnabit fronte, recurvus  
Vaginam gladius non ſuſpirabit, in armis  
Totus erit, Mars quāntus erit; Capitolia noſtra  
Tuta forent, quæ fata premūt, meliusq; Camilli.  
Scipiadumq; auſu valido deſenſa manerent.

Sed quia nulla data eſt generosæ copia mortis,  
Cum ſylvis ſaxiſq; pium certamen inibat.

*Hyber  
num tē-  
pus lege-  
bat miſ-  
ſionibus  
obvendiſ  
per mon-  
tes aſpe-  
ros.*

Vnica FRANCISCO, populorū vita, ſaluſq;  
Cura fuit, penitis hæc vota hæſere medullis;  
Vnde nec obſtantes, miſeri ſolatia vulgi,  
In prædam intentus quæ deproperabat abunde  
Tardabant cautes. Hyemis quin ſæva legebat  
Frigora, virtutem pius exerceret ut erro  
Aſpera per nivium, glaciēq; Aquilonib9 auctā:  
Sub Getico ſudare polo gelidāq; ſub Arcto  
Gaudebat, mediis certans ardere pruinis.  
Præcipiti forſan luçantem tramite, ſemper  
Invida magnanimis Divūm ſuſpexerat auſis  
Alecto, cum fraude novā deludere tentat  
Conatus furioſa pios, mentitaq; ſexum,  
Paſtorem ſimulat, colubros ciliiq; rigorem  
In pexam jubet ire comam, formamq; virilem,  
Tum prior orſa loqui: quæ pectus cura fatigat?  
Pæde precor, per acuta celer per & invia tēdis  
Qvid



Quid petitur tanto studio ac errore viarum?  
Nescis quò properas, habitata cubilia monstris  
Ingredieris, pardiq; truces, torviq; leones  
Et nunquam saturata fames metuenda luporū  
Excipiet, cohibes si non temerarie gressum.  
Adde quod hi bernis tumuerūt omnia nimbis,<sup>(des</sup>  
Sub nive crede mihi tegitur dolus, iste Charyb-  
Candor habet Scyllasq; suas, deprêndere plantas  
Est potis incautas gressu fallente, pruina.  
Qvis tibi tunc ardor fuerat? quantusq; cucurrit  
Sidereus per membra calor? quâ Dive monentem  
Exaudis facie? primum rubuêre, genæq;  
Oraq;, non fractæ virtutis conscia, demum  
Indignata suos miserantem pectora casus,  
Pastorem sic voce petunt: tantūne capellæ  
Istud iter relegent? audax Corydone seqvête  
Turba? nec urforum metuet niviuq; pericla?  
Fortibus est animi plus bellatoribus, Alpes  
Pænus victor adit, nivibusq; rigentia duris  
Dux juga trāscēdit; Nemææ populator arenæ  
Præda fit Herculeæ leo dextræ, Mænala strati  
Morte supēba suis, virtusne ignava jacebit?  
Et mihi fortis inest animus, dū fortia poscit  
Arbiter Astrorum & populi nutātia fata;  
I, molles sectare vias terroribus actus,  
Audiat hæc, si quis comes est tibi Tityrus, illū

E

Tar.



Tardet inaccessæ rupis locus, ardua frangant,  
 Est melior pietas monitor mihi Duxq; viarum;  
 Tu seqveris revocasq; gregẽ per telqva vagantẽ  
 Cur ego non animas per de via lustra requiram?  
 Soliciti tantum potuit si cura bubulci  
 Et quid non poterit virtus studiosa salutis.  
 Dixit; & infernis Furiarum maxima ripis  
 Mergitur, ac erebi patuẽre iræq; doliq;.

Major ab adversis Divus surgebat, & ausus  
 Turbabat vis nulla pios; cœu flamma reluctans  
 Impatiensq; premi, indigno cū carcere claudi  
 Se dolet, erigitur, tantò violentius ardens.

*Disjuncta  
 nive vi  
 am sibi  
 aperie-  
 bat ut  
 saluti  
 pro de-  
 fectis ani-  
 marum*

Iam nivedis jectâ, quoties obstabat eunti  
 Reptabat, largo propè perdens lumina fletu;  
 Iam febre torreris visus, letumq; subire,  
 Tarda quod afflictis animarū cōmoda ferret;  
 Dumq; flagrat nimio periturae plebis amore,  
 Dum rapidis audax fluviorū fluctibus obstat,  
 Dum rigidos silices passu metitur anhelos,

*Crus si  
 git.*

Frangit inassvetū tantos crus ferre labores.

*DEI fa-  
 vore san-  
 nus in pe-  
 des er-  
 gitur.*

Tunc Stygiæ cecinẽre Deæ, fatalia nentes  
 Stamina, jamq; colos jam rūpere fila parabant,  
 Cum pede neglecto cœu viribus integer, æger,  
 Læsi nulla velut metuens discrimina cruris,  
 Profilit, & cæptum carpēs iter avia trāsit,  
 Emensusq; viam quæ sita mapalia lustrat.

Immēsi



Immēsi portenta pōli! quis credat? iniquum  
Non sentit vulnus, pictas infracta dolore,  
Ocyus afflicto pede quin per dura cucurrit,  
Ipsaq; fracturam solidant incōmoda cruris.  
Eacides telo quamvis impervius omni,  
Adversus Phrigios enses Phlegetōtis in amne  
Munitus, Trojæ sociaverat Hēctora fatis,  
Tanta tamen virtus ic̄to pede corruit omnis.  
Fortior Antēō post lapsum & vulnera REGIS,  
Nobiliusq; pedis jacturam Coclite pensat.

Nec tantum agrorum cultores excolit, ipsis  
Quin etiam Divus prædas agit urbibus amplas;  
Sacra Dioneis ubi victima spurca cadebat  
Ædibus irrumpens, temerati jura pudoris  
Et raptos sine lege toros castigat, in omnem  
Virginitas projecta luem, cēu fulminis igne  
Icta repentino, jam pristina probra refusis  
Emaculat lachrymis, vetitum sociasse cubile  
Iam damnat, Paphiæ jam flammis munera lenæ  
Devovet, illicitos compescens ignibus ignes.  
Quanta Cupidincis objecit scuta pharetris  
Inclitus everſi vindex tutorq; pudoris,  
Et domuit quamvis sociatam Cyprida Marti.  
Non tulit Idaliis inferri damna manipulis  
Leno procax, sub signa ruit lasciva satelles  
Turpis, Acidalias ulturus sanguine noxas;

*Proſi-  
bula a-  
di inde  
que mul-  
tas ad  
meliorē  
frugem  
reducit.*



*Serilis  
ficario-  
nam gla  
dys erit  
in tem-  
plo appe  
ntur.*

Anicii tanti patuere theatra furoris;  
Multa Cynædorum concurrunt agmina, strictis  
Muniti gladiis, jurant Acheronta Iovemq;,  
Ipsaq; quin statuunt temerare sacraria probro,  
Ni datur arte aliâ perdendi copia REGIS.

*Occulta  
vis subito  
mutan-  
tur nefa-  
ri.*

Dive Pater sêu te faciunt oracula certum  
Præscia fatorum, sêu mens trahit ardua, poscens  
Victima sacratas fias ut Mystes ad Aras,  
Templa subis; animi subito cecidere protervis,  
Impiaq; excussit manibus pavor arma cruentis.  
Terruit aspectu, qui non terrebat iniquos  
Ambrosium quoties referebat dira tonando.

*Pæperit  
Pater  
diuus.*

Extimuit lenem lenonum turba, modestum  
Quemq; videt, trepidans torvū putat esse leonē  
Sēper eras FRANCISCE lupis hircisq; ve-  
Sed miseri sēsêre piū; velut umbo catervæ (rēdō  
Ambivêre latus, gressum quâcunq; ferebas,  
Teq; suum dixêre Patrem; debere salutem  
Se tibi, communi per compita voce sonabant,  
Et fueras pietate Pater; tibi namq; legebas

*Vigilia  
cum et  
Sabbat-  
hi die-  
bus men-  
dicat ut  
miseric  
opem se-  
ras.*

Vnum Dive diem, quo commoda grata clientū  
Versabas animo, neglectis providus ægris.  
Septima lux semper, quam concedebat egenis,  
Præ foribus vidit pulsantem tecta potentū,  
Et dominas aures singultibus advertentem,  
Quos toto pannosa foro fundebat egestas;

Et



Et nunquam vacuus rediit, referebat abundè  
 Qvas donaret opes, quo pallida ritè levaret  
 Ora fame. Laceras cœu gratum munus abollas,  
 Centonesq; diu tritos, sartasq; lacernas  
 Servabat custos studiosus. Stragula nunquam  
 Tantum vestis erat Lydo pretiosa tyranno,  
 Non ita Sidonium, geminat, quam tinxit ahenū  
 Coccina pallaplaceat, quā vilia scruta, tegendo  
 Aptā inopi, potior turpis mihi penula gaza  
 Indiga, quā miseros defendit turba lacertos.

*Vestes  
 eras  
 affere  
 vabat  
 summo  
 thesau-  
 rum di-  
 cebat.*

Hic ubi morborum præses patientia sedem  
 Fixit, & admissio per sæcula longa veneno  
 Tecta Mephitin olent, virtus animosa terebat  
 Limina, felici propè nunquam cognita turbæ;  
 Non squalor, nō putris hydrops, nō deflua toto  
 Sputa cruenta sinu violant pia lumina, quæq;  
 Vicinum afflabat, grave olenti tussis odore  
 Aëra, Pæstanæ visa est sibi fundere Floræ  
 Munera; non saniem refugit, non ulcera Divus,  
 Turgentes artus palpat, taboq; fluentes,  
 Aspera q; optantes oculos spectacula pascunt:  
 Cruda nihil probitas spectabat molle, dolenti  
 Adgemit, & serpens vitiata per intima virus,  
 Cœu sentiret, amās torquebat pectus, in omni  
 Sic lue certabat violens audacia secum.

*Ægrotū  
 ulcera  
 palpat,  
 illiq; fi-  
 git oscu-  
 la aqvi-  
 bus ma-  
 gis ab-  
 horre-  
 bat.*

*Letali  
 morbo  
 decum-  
 bit.*

Procubuit tandem generosi victima leti,

F

Chri.



*Mortem  
praescit.*

Christiadum Ductor, cōmunis Apostolus amplæ  
Francigenum gentis, decus immortale Paternæ  
Stirpis, amor Superūm, sortis contemptor inanis,  
Vulgi inopis gratum solamen, & una voluptas  
Agrestūm. Tanti fuerat mens præscia fati;  
Plurimus Æthereo delabatur Ales Olympo,  
Nuntius æternæ legis, custosq; viarum  
Pervigil, & summi Iovis invitator ad Astra.  
Ipseq; defixos comites, turbamq; fidelem  
Attonitam, tantus quod abit gladiator arenâ,  
Admonet instantis, cuncti quâ solvimur, horæ,  
Atq; ait: hæud subitis agitant me fata periclis,  
Expectata diu jam nunc secat Atropos annos,  
Solutus, inexpletâ dolor est, discedere mente,  
Quæ nullis satiata malis, fingeat & orbes,  
Et suffecturas vires spondebat abundè.

*Es prædi-  
cit.*

*Diem, na-  
talem  
Christi  
præcedē-  
tem, a-  
ger egit  
in stabu-  
lo frigi-  
do.*

*Die Na-  
talis Chri-  
sti ager  
sexies ad  
populum  
verba fe-  
cit.*

Nec tamē in media mēs languit aspera morte;  
Quæ Dōini magnos præcessit proxima Partus,  
Hanc æger stabuli exegit sub tegmine lucem,  
Et Iove sub gelido; gemit ille tabile quamvis,  
Ipsâ operis vacuâ nō vult quoq; perdere mortē.  
Cum Deus humanos oritur tenuatus in artus  
Et pia Christicolæ cōeunt invota, fatiscens  
Profiliit strato Divus, modò pulpita pulsans,  
Et modò permistus turbæ pandebat inertī  
Ac avidæ plebi, bister documenta salutis,  
Sic quidquid superest Parcarum munere vitæ,  
Impi-



Impiger impendit, supremâq; utitur horâ.  
 Iamq; dies aderat, volucrem qvi terminat annum  
 Vltimus, & Divo pariter pars ultima lucis.  
 O! malè præcipites populorū in dāna Decēbres!  
 Siccine raptori permittitis omnia fato!  
 Sic focii. Sed enim qvo lex æterna vocabat,  
 Iam cupidus leti, properat, mortemq; timere  
 Nescius, intrepidus ad fata novissima vultus  
 Componens, ut erat flammatus Numine pectus,  
 Fervet adhuc, qvāvis sensimq; recedere terras  
 Ingentesq; animos extremo frigore labi  
 Sentiat, antiqvæ mordent præcordia curæ.  
 Et velut in certa FRANCISCVS morte nega-  
 Exspirare, vigor mediis in vultibus errat (ret  
 Qvi fuerat, fronte est eadem pietatis imago,  
 Neve extincta fitis torret velut ante laborum;  
 Inter conatus tantos in viscera mortem  
 Accipit, & placido componit lumina somno.  
 Qvis subitos populi gemitq; qvis verba dolo  
 Explicet immodici? vel qvis pulsata querelis<sup>(ris</sup>  
 Astra piis referat? dolet hæc, cēu funere tristi  
 Immatura rapi videat sibi pignora, clamor  
 Verberat impulsus singultibus àéra rancis;  
 Ille velut fugientem animam genitoris, acerbis,  
 Impatiens magni luctūs, ululatibus, optet  
 In corpus revocare, furit, maternaq; tanqvam  
 Lumina, plus animâ dilecti, nata, neposq;

Ultima  
 Decem-  
 bris ex-  
 spiras.

Plantius  
 univer-  
 sorum su-  
 pra de-  
 mar-  
 um.



Cōprimat, aut uxor trāsfūdāt in ora mariti  
Qvod superest animæ, cupientis sistere fata,  
Aut vitā ducit redimendum funus & ipsā;  
In fera sic populus lamenta assenserat omnis,  
Et lacrimæ exūdāt, rupto velut aggere flumen.

*Amoris  
miracu-  
lis cornu-  
scas.*

At non in tumulto virtus jacet obruta, major  
Exiguos inter cineres confurgit, Eòis  
Ceu volucris celebrata plagis, cui funera vitā,  
Vitalesq; rogi præbent alimenta favillis.  
Te jam Dive, Domus Divûm, stellata recondūt  
Atria, virtutes & fortia facta recensent,  
Vt meritū capiti referant diadema; sed ipse  
In Patriam revocans mentem, te surripis Astris,  
Multus ubiq; cliens, ubi Teq; tuamq; reposcit  
Officiosus opē: pergis FRANCISCÈ mereri  
De miseris, propiusq; tuos, à morte tribules  
Inspicis intentus, gemitusq; agnoscis amantûm.  
Qvin Rhodanq; nō est, nō est tibi Seqvana Dive  
Terminus, Evropam morborū victor & orci,  
Orbe licet toto, terris, Cæloq; remotus,  
Irrequietus obis, peragrasq; reclusus in urna  
Corripuit si flamma nocens penetralia vulgi,  
Devotosq; tibi votis communibus, ausus  
Vulcanus temerare lares! tu protinus ultor  
Dive vocatus ades, grassatoremq; còerces  
Mulciberem, profusus in omnia cōmoda totus.  
Pestiferam bibit illa luem, sparsoq; veneno

*Pestium  
propulsa-  
tor an-  
dit.*

**Vrbs**



Vrbs afflata cadit, contabescitq;, videndo  
 Nil medicas artes, opobalsama nulla mederi?  
 Tu pellis FRANCISCE malū, tibi tabida cedit  
 Pustula, cū properas precibus de culmine tra-  
 Sidereo, jam forma redit, jā gratia mēbris, & ætus  
 Exturbata lues luget, fatumq;, fatiscit.  
 Ignis & alterius jecur infernalis adedit,  
 Cēu Tityi vultur, diriꝑ; Prometheus artus  
 Corrodūt aquilæ, tātōs tamen opprimit æstus.  
 Maxillæ vis magna tuæ, quæ Dive furentes  
 Viscera per, flāmas levat, extingvitq;, nocentes.  
 Indomitum Sāsona refers, superasq;, tot hostes  
 Ille dedit leto, tu fatis cripis ægros,  
 Sic maxilla decus peperit Nomenq;, duobus.  
 Haulerat insolitas Toga quā de corpore vires,  
 Et velut infusas medicorum sentiat artes,  
 Sic domat attactu morbos, terretq;, fugatq;  
 Totā non opus est, ut vincas Dive, lacernā,  
 Partibus in minimis, est virtus maxima, vestis,  
 Vnica sudorum quæ conscia facta tuorum;  
 Vilia Dive tuæ chlamydis fragmenta petuntur,  
 Quæ miseris vitæ non vilia dona ministrant;  
 Numen inesse putat præsens, & sentit in illis  
 Vulgus, & æte Ducū Trabeis ea munera ponit.  
 Nec cinis est finē laudē tui FRANCISCE se-  
 Gloria par illi magnis quæ contigit actis; (pulchri  
 Tātō honor rudis est tumuli quo Dive recūbis,

Maxillæ  
 Dive gā-  
 granam  
 janat.

Fragmē-  
 ta vesti-  
 um eius  
 miram  
 vim exer-  
 cent in  
 morbos.

Cinis tu-  
 muli Be-  
 ati Regis  
 expetitur  
 presentis-  
 simum ad  
 versus o-  
 mnē malū  
 Vt remediū.



Vt nec in aëreas subvect a palatia sedes,  
 Nec bustum Mausole tuum, miracula mundi,  
 Quo viso, Populis creverunt plura, loqvatur  
 Fama magis, quàm quos rapidi vertigine venti  
 Congessit tempus cineres, Zephiriq; volantes,  
 Et bene vix retinet monumēti sūma crepido.  
 Nō audet pietas licet indiga, carpere, quidquid  
 Post animā FRANCISCĒtui superesse relictū  
 Augustos inter cineres miratur; in ipso  
 Pulvere supremo quærit medicamina morbis,  
 Et reperit fatiq; necem mortemq; veneni.  
 Hauserit illa, suo Regina superba dolore,  
 Caria quam Dominam coluit, de funere raptas  
 Atq; rogo Regis dilecta marita favillas,  
 Non profecturos tamē ebibit illa liqvores,  
 At quodcunq; sacrâ Divi depromitur urnâ  
 Fit medicina malis, fit pignus grâde salutis;  
 Præ tumulo vigilat quidquid prodesse laborat,  
 Et nunquam officiis pietas lassata, patescit. Igitur  
 His meritis tibi crescit honor, tibi gloria sur:  
 Dive, quòd exueris quāvis post funera corpus,  
 Non tamen & curas, populi studiose salutis.  
 Illa igitur, quā cūcta colūt, quā mūdus adorat,  
 Illa Caput summum, quæ Cælo Roma Deoq;  
 Se tantum inclinat, vultus cineresq; beatos  
 Et vivam magnæ speciem probitatis adorat;  
 Gallia sic certat meritæ dare civica fronti

Tam Re-  
 atus Frā  
 ciscum ab  
 omnibus  
 colitur.

Serta



Serta tuæ, qvi non contentus nomine tantum  
 Civis, & ultorem fatorum, Dive, Patremq;  
 Et Servatorem populi per cuncta gerebas.  
 Iamq; tuis, Cidareſq; Ducum, Regumq; coronæ,  
 Et florum quæ regna tenent, modò lilia prono  
 Vertice procubūt, meritis; Tu perge trophæis  
 Francigenū terras, Patriam te Dive superbam,  
 Qvin mundum cūulare novis, ut maximus Aris  
 Assurgat FRANCISCE tuis honor, ultima lau  
 Interea, quâ parte poli pia Sidera Gallis (rus.  
 Incumbunt, totis patuerunt atria Divūm  
 Postibus, atq; suum stellati, voce manuq;  
 Municipem, Proceres invitant. Carolus inde,  
 Magnus hic in terris, sed Divos Māximus inter.  
 Hinc Gūthramq; adest, Lodoicq; provolat illinc  
 Gemma coronarū, notissima Nomina sceptris.  
 Ponè ruunt, thalamis quas Regū miscuit orbis,  
 Exemit pietas, magnis vicina Deabus  
 Numina Regina, Clotildis, Nomen & Aris  
 Augustum, sociat cū se Bathildis, honores (ceps  
 Inter, & in folio plus hæc quàm fæmina Prin-  
 Liligeræ cōsors micat in deloanna coronæ,  
 Cujus, Amazonidum cōcedūt agmina, magnis  
 Ausibus; ista thronum pariter pariterq; perosa  
 Virgo torū, tantūq; sui moderamina prensans,  
 Fixit in augusto pia vindex pectore postquàm  
 Argento clavos, quos Mulciber ipse parârat,

21

Divi Ter-  
 rigena ac  
 Apostoli  
 Galliarū  
 auctum  
 Beatorū  
 numerū  
 suo con-  
 cive la-  
 santur.

Beata Ios-  
 āna Fran-  
 cica septē  
 clavos ar-  
 genteos re-  
 gali pecto-  
 ri infixos  
 gestabat.



In tormenta sui, pretiosa metalla còëgit.  
 Promit & illa polo, Regni fidissima Custos,  
 Virgincos vultus, speculū Genovefa pudoris.  
 Syrmate post longo Divi, majorq; potestas  
 Pontifices, se se traxerunt; obvius ardet  
 Remigius, Rhemis cultus, Parisinus at illinc  
 Accelerat gressum Dyonisius, hausit utroq; <sup>(ter</sup>  
 Quo Doctore fidem gens Francica; iustus, & al-  
 Eucherius, Lugdune tuæ duo fulcra Tyaræ.  
 Cōvenêre, Lupusq; Trecis, Lodoixq; Tolossâ,  
 Mænia tuta quibus fuerant pastoribus ista.  
 Martinus Turonum defensor strenuus urbis,  
 Hinc Arelatensi qui custos fidus ovili  
 Cæsarius fuerat, Marcellinusq; Velaunis;  
 Sidonium Arvernus pietas cognata vocavit,  
 Mauritium Andegavū misit, Pulchronius ultrò,  
 Cui Virodunensis frænavit tænia frontem,  
 Profilit ex Astris, festinavitq; Viennæ,  
 Nunc Desiderius Cæli superūmq;, voluptas.  
 Non tenuit quenvquam requies sedesq; beata,  
 Excivit nova pōpa tui FRANCISCÆ triūphi,  
 Quotquot sideribus transcripsit Gallia Divos.  
 Iamq; comes magnis Heroibus additus, Astra  
 Dive petis, stipantq; latus, valvasq; recludunt  
 Innocuæ mentes, nova sidera parturit Æther,  
 Ut merito Capiti decus immortale laboret.









